



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՓԱՍՏԱԲԱՆՆԵՐԻ ՊԱԼԱՏ

0010, ՀՀ, ք.Երևան, Զաքիյան 7-2 | (+374 10) 600 701, 600 704 | (+374 10) 600 703 | info@advocates.am | www.advocates.am

05 մայիսի 2018թ.

ՀՀ արդարադատության նախարարի պաշտոնակատար՝
պարոն Դավիթ Հարությունյանին

ՀՀ արտաքին գործերի նախարարի պաշտոնակատար՝
պարոն Էդվարդ Նալբանդյանին

Հարգելի՛ պարոն Հարությունյան,

Հարգելի՛ պարոն Նալբանդյան,

2018 թվականի հունվարի 24-ին Եվրոպայի Խորհրդի խորհրդարանական վեհաժողովը (այսուհետ՝ **Վեհաժողով**) ձայների գերակշիռ մեծամասնությամբ ընդունել է մի հանձնարարական¹, որը կոչ է անում Նախարարների կոմիտեին մշակել և ընդունել **Փաստաբանի մասնագիտության վերաբերյալ եվրոպական կոնվենցիա**, որը կներառի արդյունավետ վերահսկողական մեխանիզմներ: Մասնավորապես, Վեհաժողովը առաջարկում է ստեղծել վաղ ահազանգման մեխանիզմ փաստաբանների անվտանգության և անկախության և իրենց մասնագիտական գործառույթները արդյունավետորեն կատարելու նկատմամբ անմիջական սպառնալիքներին անմիջապես արձագանքելու համար, լրագրողների պաշտպանության և լրագրողների անվտանգության Եվրոպայի խորհրդի Պլատֆորմի մոդելի հիման վրա:

Այդ առաջարկությունը ստացել է ոչ միայն ՀՀ փաստաբանների պալատի, այլ նաև Եվրոպայի փաստաբանների և իրավաբանների միությունների խորհրդի ԵՓԻՄԽ/CCBE աջակցությունը, որը ներկայացնում է 45 երկրների փաստաբանների միություններ, ավելի քան մեկ միլիոն եվրոպացի փաստաբանների:

Փաստաբանական միավորումներս կարծում ենք, որ Փաստաբանի մասնագիտության վերաբերյալ եվրոպական կոնվենցիայի անհրաժեշտությունը բացատրվում է երեք հիմնական պատճառներով:

¹ <http://assembly.coe.int/nw/xml/XRef/Xref-XML2HTML-EN.asp?fileid=24466&lang=en>

Նախևառաջ, փաստաբանները, որպես արդարադատության համակարգի կարևոր դերակատարներ նպաստում են իրավունքի գերակայության պաշտպանությանը՝ ապահովելով արդարադատության մատչելիությունը իրենց քաղաքացիների համար և պաշտպանելով հիմնարար իրավունքներն ու ազատությունները: Այդ է պատճառը, որ փաստաբանի մասնագիտությունը կարող է էական ճնշման ենթարկվել գործադիր և օրենսդիր մարմինների, իսկ երբեմն նաև դատական իշխանության կողմից, ինչպես նաև ոչ պետական դերակատարների կողմից:

Երկրորդ, թեև կան տարբեր գործիքներ որոնք երաշխավորում են փաստաբանների դերի պաշտպանությունը, որոնցից է՝ Եվրոպայի խորհրդի Նախարարների կոմիտեի՝ «Փաստաբանի մասնագիտական գործունեության ազատության մասին» 25.10.2000թ. №Rec(2000)21 հանձնարարականը, այնուամենայնիվ դրան հաջորդող 17 տարվա ընթացքում փաստաբանների դերի նկատմամբ կատարվող շարունակական հարձակումները ցույց են տալիս, որ վերջինիս արդյունավետությունը ցածր է: Այսպիսով, միայն վերջին երեք տարիներին CCBE-ն մեծ ուշադրությամբ հետևում է այն գործերին, որոնք վերաբերում են փաստաբանների դեմ հարձակումներին կամ սահմանափակում են փաստաբանների իրավունքները: Մասնավորապես, CCBE-ի կողմից ուղարկվել են նամակներ, որոնք վերաբերում են հետևյալ երկրներում տիրող իրավիճակին՝ Բոսնիա եւ Հերցեգովինա², Վրաստան³, Մոլդովա⁴, Ուկրաինա⁵, Թուրքիա⁶ և Լեհաստան⁷: Լավագույն փորձին հետևելու հորդորների փոխարեն անհրաժեշտություն է առաջանում սահմանել պարտադիր կատարման ենթակա վարքագծի կանոններ, որոնք կնպաստեն փաստաբանի մասնագիտության անկախության և օրենքի գերակայության ապահովմանը:

Երրորդ, չնայած, որ Մարդու իրավունքների եվրոպական կոնվենցիան (ՄԻԵԿ) պաշտպանում է տարբեր հիմնարար իրավունքներ, կապված փաստաբանների դերի հետ՝ օրենքի գերակայության ապահովման գործում, ինչը պետք է շարունակական լինի, այնուամենայնիվ Հանձնարարականում տեղ գտած մի շարք այլ իրավունքներ ՄԻԵԿ-ի կիրառման շրջանակներից դուրս են: Այդ իրավունքները նույնպես եվրոպական մակարդակով պաշտպանության մեխանիզմի կարիք ունեն, բայց ավելի հեշտ, ավելի արագ և անմիջական քան ՄԻԵԿ-ը:

² Bosnie-Herzégovine – violences à l'encontre des avocats : [CCBE letter of March 2015](#), [CCBE Letter of February 2017](#), and [protection of the legal profession see CCBE letter of March 2017](#)

³ Géorgie - violences à l'encontre des avocats/violations des droits des avocats [CCBE letter of May 2015](#), [CCBE letter of April 2017](#) ; droit à un procès équitable [CCBE letter of February 2017](#)

⁴ Moldavie [CCBE letter of April 2015 \(representation in court proceedings\)](#), [CCBE letter of January 2017 \(violation of lawyers' rights\)](#)

⁵ Ukraine [CCBE letter of March 2016 \(rights of audience\)](#), [April 2016 \(murder of lawyers\)](#), [CCBE letter of April 2016 \(violation of lawyers' rights\)](#), [CCBE letter of February 2017 \(administrative detention of lawyer\)](#), [CCBE letter of March 2017 \(murder of lawyers\)](#)

⁶ Déclaration commune des avocats, des juges et des journalistes sur la répression continue de l'état de droit en Turquie, le 5 avril 2017 ; communiqué de presse sur la répression continue de l'état de droit en Turquie, le 12 décembre 2016 ; diverses lettres de soutien envers les avocats arrêtés, voir le site du CCBE http://www.ccbe.eu/fileadmin/speciality_distribution/public/documents/HUMAN_RIGHTS/HR_Position_papers/FR_HR_20170405_Joint-Statement-Turkey.pdf

⁷ Pologne [CCBE letter of July 2017 on adopted amendments to the Polish Act on the National Council of the Judiciary and the Act – Law on Common Courts Organisation](#)

2017 թվականի դեկտեմբերի 12-ին Վեհաժողովի մարդու իրավունքների և իրավական հարցերի հանձնաժողովի կողմից միաձայն ընդունված զեկույցը⁸ ընդգծվում է փաստաբանների վճռորոշ դերը մարդու իրավունքների նկատմամբ հարգանքի և օրենքի գերակայության երաշխավորման հարցում և խորը մտահոգություն է հայտնում այն փաստին, որ Եվրոպայի խորհրդի շատ անդամ պետություններում փաստաբանները շարունակում են ենթարկվել ոտնձգությունների, սպառնալիքների և հարձակումների, որոնք որոշ անդամ պետություններում նույնիսկ աճ են գրանցում: Զեկույցող Սաբին Լահա-Բաթթուն, այսպիսով, ընդգծել է այս ոլորտում պարտադիր կատարման ենթակա գործիքակազմի անհրաժեշտության մասին՝ ինչը կապահովվի կոնվենցիայի ընդունմամբ, որը պետք է բխի Եվրոպայի խորհրդի Նախարարների կոմիտեի՝ «Փաստաբանի մասնագիտական գործունեության ազատության մասին» 25.10.2000թ. №Rec(2000)21 հանձնարարականից, հաշվի առնելով իրավական դաշտում առկա չափանիշները և հետագա զարգացումները:

Եվրոպայի խորհրդի նախարարների կոմիտեն իր տրամադրության տակ կունենա 6 ամիս ժամանակ պատասխանելու համար Վեհաժողովի հանձնարարականին Որոշում կայացնելուց առաջ, Նախարարների կոմիտեն փետրվարի 7-ին դիմել է Մարդու իրավունքների հարցերով ղեկավար կոմիտեին (CCDH), Իրավական համագործակցության հարցերով Եվրոպական կոմիտեին (CDCJ), Հանցավորության հիմնախնդիրների մասին Եվրոպական կոմիտեին (CDPC) և Արդարադատության արդյունավետության Եվրոպական հանձնաժողովին (CEPEJ) առաջարկություններ ներկայացնելու համար:

Հիմք ընդունելով վերոգրյալը, խնդրում ենք աջակցել այս հավակնոր նախաձեռնությանը, որի ընդունումը կդառնա մեծ առաջընթաց մարդու իրավունքների պաշտպանության և իրավունքի գերակայության ապահովման հարցում:

Հարգանքով՝

Հայաստանի Հանրապետության
փաստաբանների պալատի նախագահ՝

Արա Զոհրաբյան

⁸ <http://assembly.coe.int/nw/xml/XRef/Xref-XML2HTML-EN.asp?fileid=24296&lang=en>